



15. juni 2011

Inatsisartut Suleriaasianni § 37 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut, tusagassiutit pillugit nassuiaat: Tusagassiutit nukittuut pillugu apeqquq:
(Inatsisartunut ilaasortaq Andreas Uldum, Demokraatit)

Tunnqavilersuut

Tusagassiutit pillugit nassuiaat ”Tusagassiutit nukittuut – peqatigiilluta siunissaq pilersissavarput” assut soqutigalugu atuarpara. Nassuiaat tutsuviginartutut tigusariaqarpoq sukumiisumillu suliarisariaqarluni. Taamaattumik nassuiaat pillugu apeqqutissakka arlallit katersorpakka, Naalackersuisunut akeqquniarlugit.

1. Tusagassiutit pillugit suleqatigiinni inuttaasut tamangajammik nuna tamakkerlugu tusagassiutini sulisuupput. Pissutsit taamaannerisa imatut aperiumalersippaanga:

a. Naalackersuisut isumaqarpat, tusagassiutit pillugit suleqatigiit imatut katiterneqarsimasut allaat qulakkeerneqarsinnaalluni tusagassiutit pillugit nassuiaat illuinnaasiunngitsoq aamma nassuiaat arlaannaanulluunniit attuumassuteqanngitsunit suliatut taaneqarsinnaava? Akissummi saqqummerseqquneqarpoq tusagassiutit pillugit suleqatigiinni inuttaasussat toqqarneqalermata Naalackersuisut isumaliutigisimasaat.

b. Suna pissutaava nuna allamiut immikkut ilisimasallit tusagassiutit pillugit suleqatigiinnut ilaatinneqannginnerannut? Assersuutigalugu Assartuineq pillugu Isumalioqatigiisitani kiisalu Akileraartarneq aamma Tunngiineq pillugu Isumalioqatigiisitani immikkut ilisimasallit nuna allamiut annertuumik atorneqarput?

2. Suna pissutaava, tusagassutit pillugit nassuiaat aatsaat majip ulluisa 25-ani tamanut saqqummiunneqarneranut, piareerneqarsimagaluarmammi 2010-mi decemberip qaammataanili ? Kissaatiginngilara asuli akiinnartoqassasoq tamatumunnga kalaallisuunngortinneqarnera pissutaasimasoq. Nutsigassap taama annertunngitsigisup nutsernera qaammatini tallimanik



sivisussuseqarsinnaanngilaq.

3. Suliakkiinermut atatillugu tunngavissat naapertorlugit Naalakkersuisut siunertarisimavaat tusagassiutit pillugit nassuiaat 2011-mi Upernaakkut ataatsimiinnermi saqqummiunniarlugu. Nalunngisatsitulli tamanna qaangiutereerpoq. Naalakkersuisut taarsiullugu tusagassiutit pillugit nassuiaat 2011-mi Ukiakkut ataatsimiinnermi saqqummiunniarpaat?

4. Naalakkersuisut isumaqarpat, tusagassiutit pillugit nassuiaammi suliakkiissutigineqartut tallimaat malilluarneqarsimasoq: ”inassuteqaatit nalilersuinerillu piviusunngortinnissaannut atatillugu aningaasartuutit pillugit naatsorsuinerit saqqummiunneqassapput, takukkit immikoortut 1-miit 4-mut.

5. Tusagassiutit pillugit nassuiaatip quppernerisa tallimaanni allaqqavoq: ” *piffissaq qaninnerusooq isigalugu sulinermi tuluit oqaasii atorneqalissapput, tamannalu aamma eqqarsaatigisariaqarpoq* ”. Taamatut isumaqarnermut Naalakkersuisut isumaqataappat taamaassimappat Oqaatsit pillugit inatsimmi nunami maani kalaallit oqaasii pingaarnerunerarlugit allaqqasumut tamanna qanoq naapertuuttigaa?

6. Aviisit naqitat – nuna tamakkerlugu saqqummersartut - (AG og Sermitsiaq) akuttunngitsumik isornartorsiuisarput oqarlutik Namminersorlutik Oqartussat sulisussarsiortillutik aviisini pineqartuni allagarsiinngippallaartarnerarlugit. Tusagassiutit pillugit nassuiaammi allaqqavoq innuttaasut pingajorarterutaannaasa Sermitsiaq atuartaraat, sisamararterutaannaasalu AG. Aviisit qanoq amerlatigisunit atuarneqartariaqarpat, Namminersorlutik Oqartussat isumaqalissappata aviisini pineqartuni marlunni sulisussarsiortiluni allagarsiineq imminut akilersinnaasooq

7. Qupperneq 12-13-mi KNR pillugu tusagassiutit pillugit suleqatigiisiat inassuteqarput. Tamatumunnga atatillugu makkunangga apeqqutissaqarpunga:

a. Naalakkersuisut isumaat naapertorlugit KNR-i suliffeqarfittut aningaasaateqarfingortinnissaa sunik iluaqutissartaqarpa?



Tassunga ilanngullugu Naalakkersuisut qinnuigineqarput nassuissagaat, allanngortitsinikkut innuttaasut isiginnaagassaat qanoq qulakkeerneqarsinnaanersoq?

b. KNR-imut aningaasaliissutigineqartartut Aningaasanut Inatsisip suliarineqartarneranit kaanngartinnissaa Naalakkersuisut qanoq isumaqarfigaat?

c. Tusagassiutit pillugu suleqatigiissitat nassuiaatimi immikkoortoq 2-ani qupperneq 10-mi allapput KNR-imi siulersuisunut ilaasortat toqqarneqartartut politikikkut partini sorlarni ilaasortaanerat tunngavigalugu, tamanna Naalakkersuisut qanoq isumaqarfigaat, aamma Naalakkersuisut qanoq ilillutik qulakkeerniarpaat, aningaasaqarnermut, aningaasalersuisunermut kiisalu tusagassiutinik atuinerup silarsuup sinneranut ammarnissaata ineriartortinnissaanut KNR-mi siulersuisut oqartussaaffeqalernissaat?

d. KNR-p illumut tusagassiorfimmuut nutaanik teknikkikkut atortoqartumut siunissami nuunnissaa Naalakkersuisut qanoq isumaqarfigaat? Tamatumunnga atatillugu Naalakkersuisunut nassuiaqquneqarpoq illup tusagassiorfiup teknikkikkut nutaanik atortoqartup qanoq akeqarnissaa naatsorsuutigineqarnersoq aammalu qanoq aningaasalersorneqarnissaa takorloorneqarnersoq?

e. Nunat allamiut TV-kanaliisa KNR-mit aqunneqarlutillu aallakaatinneqartalernissaannut innersuussuteqarnermut Naalakkersuisut qanoq isumaqarpat? Tamatumani Naalakkersuisut isumaqarnerlutik, innersuussut tamanna kiffaangissuseqarluni unammilleqatigiittussaataitanermut killilersungaangitsumillu niuersinnaatitaaneremut naapertuuttoq aamma Naalakkersuisut uattulli annilaanngatiginerlugu, nunat allamiut tv-kanalii innuttaasunut akisunerulerataannaasut qulaani taaneqartut periarfissat peerneqaraluarpata?

8. Qupperneq 16-mi tusagassiutit pillugit suleqatigiissitat nuna tamakkerlugu aviisit saqqummersartut pillugit arlalinnik inassuteqarput. Tamatumunnga atatillugu makkunangga apequtissaqarpunga:

a. Nuup avataani ullormiit ullormut naqitsisinnaasunik naqiteriveeqqanik peqalernissamut innersuussuteqarneq Naalakkersuisut qanoq isumaqarfigaat aamma naqiteriviit taakku sumut inissinneqarnissaat pillugu Naalakkersuisut qanoq takorluugaqarpat? Inissiiffissatut



kissaatigineqartuni inissinneqassappata tamatuma qanoq akeqarnissaa Naalakkersuisut qanoq taggippaat? Tamatumani Naalakkersuisut qinnuigineqarput inissiinermi aningaasartuutit kiisalu ataavartumik ingerlatsinermut aningaasartuutit kiisalu piffissap ingerlanerani nutaaliornissamut pisariaqartinneqartut qanoq aningaasalersorneqassanersut nassuiaqqullugit.

9. Qupperneq 20-mi tusagassiutit pillugit suleqatigiisit qarasaasiakkut tusagassiorneq pillugu inassuteqarput. Tamatumunnga atatillugu makkunanga apeqquutissaqarpunga:

a. Aningaasanut Inatsit aqutugalugu aningaasalikkamik kikkut tamarmik akeqanngitsumik internetertalissappata tamanna qanoq akeqassava aamma innersuummut tamatumunnga Naalakkersuisut qanoq isumaqarpat ?

b. Illoqarfinni tamani trådløst netværk pilersinneqassappat tamanna qanoq akeqassavara aamma innersuummut tamatumunnga Naalakkersuisut qanoq isumaqarpat?

c. Tusagassiutit pillugit suleqatigiit innersuussutigaat, pilersaarinerni nalunaaruteqarnenilu kalaallit tusagassiorfiit atorineqartassasut. Tamatumunnga atatillugu Naalakkersuisut kalaallit tusagassiorfiit qanoq paasivaat? Assersuutugalugu naammappa, Naalakkersuisut namminneq tusagassaqartitsivitsik (www.nanoq.gl) kisiat atortarpasuk imaluunniit pilersaarutit nalunaarutillu pisortaneersut – akilimmik – kalaallit tusagassiorfiini allani saqqummersinneqartassappat?

10. Tusagassiutit pillugit suleqatigiit innersuussutigaat, nunami namminermi filmiliornermut videoliornermullu pisortat tapiissuteqartalissasut. Tamatumunnga innersuummut Naalakkersuisut qanoq isumaqarpat?

11. Namminersorlutik Oqartussat 2010-mi qanoq annertutigisumik kalaallit nuna tamakkerlugu tusagassiorfiinnut tapiissuteqarpat? Akissummi Aningaasanut Inatsit aqutugalugu tapiissutit erserseqquneqarput taamatullu aamma nalunaarutit assigisaallu aqutugalugit toqqaannanngikkaluamik tapiissutit qassiunersut?